

سیر حیلردن تخلص گریبان ایچون طار برسوقاغه الحجا ایتمدم. و اینشته اوراده
حزن و تأثرگه اشتراك ایدرك کمال همچانله آنجق طایفه بیلدیگم اول پدر
مسعودی بنده در اغوش ایتمگه باشلادم؛ بوانساده برصوت هاتق بگا کندی
پدری اخطار ایتمدیگدن بونک دخی خاطره محترمه سی ایچون دفعه اشکر یز
تاسف اولغه باشلادم .

ای ناقابل قیاس قز ! معلومات متأسفه و بیهوده مدن نه استفاده
ایتمک ایستردک؟ آه ! بروح بشره دخول ایده بیله جک اولان ایو
و ناموسلی شیلری و علی الخصوص سزدن غیری هیچ بریده مشاهده ایتمدیگم
فضیلت و عشق و محبتله طبیعتک برصورت عالیده بکدیگرینه تألیف و توفیقی
سزینی سزدن اوگرتمک لازمدر . خیر، هیچ برحبت سالمه یوقدرکه قلبک زده
مقامی بولمسون . و سزه خاص اولان اول نازکی حسیات ایله تمیز و تجیز
ایتمسون. و حسیات ذاتیه می تنظیم ایچون افعال و حرکاتی آمال و آرزولریکزه
تطبیق ایتمدیگم گی کافه حسیاتی دخی سزگیکلرله توفیق و تألیف ایتمکلمگ
لازم گلدیگنی مشاهده ایتمکدیم. لکن حالکیزله حالم بیننده نه قدر فرق و تفاوت
وارد؛ تزلزل عطف نظردقت ایدیگم. بوراده اشغال ایتمکده اولدیغمز مرتبه
اجتماعیه ایله مالک اولدیغمز ثروت و ساماندن بحث ایتمیورم : عفت و عصمت
و عشق و محبت بوبابده هر شیئه قائم اولمیدر؛ لکن سزی سوب پرستش ایدن
برطام ذوات ایله محاطسکمز : برمادر مشفقله یکانه امید استقبالی بولندیگمز
بر پدرك اهتمامی، و سزک ایچون یشامقده اولدیغنی ظن اولنان برعم زاده نك
صدق و وفاسی و زینت و تجملاتی منابه سنده بولندیگمز برعائله خلقی و الحاصل
ایچنده تولد کزدنشاشی افتخار ایدن بتون بر شهر افرادی حسیاتکیزی اشغال
و تقسیم ایتمکده اولوب محبت اصابت ایدن حصه ایسه حق قرابتله حق مخاندنتک
غصب و استخیردن متباقی بونک بر جزؤ اصغریدر . لکن بن زولی، ایواه !
سرسری، عائله و همان وطندن دخی عاری بولندیغم حالده روی ارضده ارتباطم
بالکمز سزهدر . و محروم بولندیغم شیلرک برینه بالکمز عشق و محبت قائمدر .

بناء علیه روح لطیفکمز هر نه قدر تمکندن حساس ایسه ده تمکینک ده سومک
فئسنده دها زیاده مهارتسه و اگرچه هر شیدیه سزه تقوق ایده مامکده
ایسه مده هیچ اولمزسه جائزه تقدیر محبتله اظهار لیاقت ایتمدیگمه متعجب اولمیکمز.
هر حالده شکایات و اهیه مله سزی بنه بیزار ایتمکلمگدن متعجب
اولمایکمز. خیر، گرك صافیت اصلیه لرندن و گرك بونلری سزک حس ایتمکده
اولدیگمزدن طولایی حظوظاتکمز اطاعتده قصور ایتمه جگم . بو حظوظیتک
صورت مؤثره سنی ذهنده تشکیل و بونلره اوزاقدن اشتراك ایده جگم. و سعادت
ذاتیهم ایله کسب بختیاری ایده مدیگمدن سعادت ذاتیه کزله بختیار اولغه
غیرت ایده جگم .

بنی سزدن تبعید ایدن اسباب هر نه اولورسه اولسون بونلره اطاعت
ایتمکلمگ درکار اولوب چونکه بونلری تسبب ایتمدیگم حالده بیله سزه القا
ایتمکده اولدقلری آماله منقاد اولمقلغم لازم گلدیگی جهتله بونلری آ کلامق
نیه یارار! محافظه صحت و سکوت بگا سزی ترک ایتمکدن دها گران می گله جک؟
ای ژولی ! دائماً در خاطر ایدیگمز که روحکمز بوندن بویله ایکی جسمی
اداره ایده جک و کندی اختیار یله احیا ایتمدیگی ایسه بونلردن اک صادق
بولنه جقدر . ارتباطاتک اک قویسی طبیعتک دگل فقط بزم کاریمزدر .

بناء علیه التزام سکوت ایدیورم. و منقامک انتهای امرینه قدر دوچار
اولدیغ کلال و ملالک تعدیلی ضمننده هنوز قابل مرور اولدقلری جهتله
(واله) جبالنی کشت و گذار ایده جگم . مشاهده ایدیورمگه بومملکت
مجهوله انسانلرک نظر دقته لایق اولوب حقنده اظهار حیرت ایدمک ایچون
بالکمز حقیقه گوره بیله جک گوزلر مفقوددر . بوسیاحتدن سزه لایق بعض
ملاحظات استحصانه غیرت ایده جگم . بر گوزل قادینی اگلندرمک ایچون
لطیف و ظریف بر قوم تصویر ایتمک لازم گلور : فقط سنک ایچون ژولیم،
ایش بشقه درلودر . آه ! بک اعلا محزومدر که قلب پاککه لازم کلان بر قوم
مسعود و بسیطک تصویریدر .